




	REPUBLIKA E KOSOVËS/REPUBLIKA KOSOVA REPUBLIC OF KOSOVA KOMUNA JUNIK/OPŠTINA JUNIK/MUNICIPALITY OF JUNIK	
OZ/Nr. Prot.	1-180/844	
Nr. i faq.	6	
Data	29/06/2022	



REPUBLIKA E KOSOVËS – REPUBLIKA KOSOVA – REPUBLIC OF KOSOVA
KOMUNA JUNIK – OPŠTINA JUNIK – MUNICIPALITY JUNIK

KËSHILLI KOMUNAL PËR SIGURI NË BASHKËSI
PLANI I PUNËS PËR VITIN 2022

Hyrje

Këshilli Komunal për Siguri në Bashkësi (KKSB) funksionon duke u bazuar në Udhëzimin Administrativ Nr.27/2012 MPB – 03/2012 MAPL për Këshillat Komunale për Siguri në Bashkësi.

Plani Vjetor i Punës së KKSB-së, përcakton objektivat dhe aktivitetet të cilat do të ushtrohen nga anëtarët e KKSB-së në përmbushje të qëllimit të funksionimit të këtij mekanizmi. Ky plan synon që të identifikojë qëllimet, aktivitetet dhe rezultatet, përkatësisht caktimin e përgjegjësisë për kryerjen e detyrave të përcaktuara me udhëzimin administrative për KKSB-në.

Roli i KKSB-së në komunën tonë është i rëndësishëm sepse grumbullon shqetësimet e qytetarëve nëpërmjet përfaqësuesve të bashkësive etnike, fetare, sociale, profesionale dhe ato shqyrtohen bashkë me përfaqësuesit institucional të komunës dhe të organeve të sigurisë dhe tentohet të zgjidhen në dobi të qytetarëve.

KKSB në Junik drejtohet nga kryetari i komunës së Junikut z. Ruzhdi Shehu në bashkëpunim të ngushtë me komandantin e policisë së Junikut z. Rasim Syla dhe në bashkëveprim të vazhdueshëm me përfaqësuesit e bashkësive fetare myslimane, përfaqësues të organizatave jo qeveritare, të biznesit dhe ekipe për siguri publike në bashkësi, nën monitorim autoriteteve nacionale siç është Departamenti i Sigurisë Publike dhe autoriteti i inspektoratit të policisë si dhe të organizatave të ndërkombëtare si OSBE, KFOR dhe UN.

Nëpërmjet KKSB-së arrihet të kuptohen shqetësimet e të gjithë qytetarëve në komunën e Junikut dhe të ndërmerren hapa konkret për zgjidhjen e atyre problemeve. Duke qenë të bindur në rolin e rëndësishëm që ka KKSB, komuna e Junikut është në maksimum e përkushtuar që plani i punës së KKSB-së të zbatohet me përpikëri.

Çdo komunë është e obliguar të themelojë Këshillin Komunal për Siguri në Bashkësi. KKSB themelohet me vendim të kuvendit të komunës dhe kryesohet nga Kryetari i Komunës. Mandati i KKSB-së është 4 vite dhe korrespondon me periudhën e mandatit të Kuvendit të Komunës. Në mënyrë që me sukses të kryej misionin e vetë, duke u bazuar në udhëzimin administrativ Nr.27/2012 MPB – 03/2012 MAPL, KKSB duhet të përpilojë dhe ta miratojë planin e punës për vitin vijues. Pas miratimit të planit të punës nga vetë KKSB, plani prezantohet dhe shqyrtohet edhe në kuvendin e komunës përkatëse.

Qëllimi i planit të punës

Këshilli Komunal për Siguri në Bashkësi nuk do të kufizohet vetëm në detyrat e përcaktuara me këtë plan, por do të jetë aktiv edhe në përcjelljen e zhvillimeve të përditshme shoqërore, për t'i identifikuar dhe adresuar problemet e qytetarëve nga fusha e sigurisë së përgjithshme dhe trajtimin e kërkesave të tyre të kësaj natyre. Plani i punës i KKSB-së ka për qëllim përmirësimin e sigurisë së qytetarëve duke u kujdesur për problematika të cilat e prekin drejtpërdrejtë jetën e tyre. Plani i punës ofron qartësi në veprim, definon problematikat dhe afatet që do të trajtohen gjatë vitit, paraqet rezultatet e pritura, tregon se kush janë autoritetet përgjegjëse për të marrë masa në zgjidhjen e problemeve.

Objektivat

Duke u bazuar në udhëzimin administrativ Nr.27/2012 MPB – 03/2012 MAPL KKSB duhet të mbaj së paku 6 mbledhje gjatë vitit. Në këto mbledhje shqyrtohen problem të cilat synojnë përmirësimin e sigurisë së qytetarëve. Duke u bazuar në këto udhëzime, KKSB në Junik për vitin 2022, përveç mbajtjes së 6 mbledhjeve të obligueshme, synon që të shqyrtojë këto çështje të sigurisë:

Aktivitetet

Për t' arritur këto objektiva, Anëtarët e KKSB do të ndërmarrin këto aktivitete:

1. Do të monitorojnë në vazhdimësi gjendjen e sigurisë në të gjithë territorin e komunës;
2. Do të mbledhin shënime, fakte dhe do të raportojnë në mbledhjet e KKSB-së për secilin problem të vëzhguar, dëgjuar apo supozuar;
3. Do të mbajnë takime me qytetarë, këshilla shkollore, grupe qytetarësh, organizata joqeveritare (OJQ) dhe do të dëgjojnë problemet e tyre;
4. Do të adresojnë problemet në organet kompetente, si dhe krijimin e partneritetit dhe iniciativave të përbashkëta për zgjidhjen e problemeve të sigurisë në çdo bashkësi;
5. Do të mbajnë evidenca për problemet e shqyrtuara dhe për progresin e arritur në zgjidhjen e problemit;

Rezultatet e pritura

Duke vepruar siç është cekur më sipër dhe duke u përqendruar në objektivat e shënuara më sipër situata do të ndryshojë në të mirë të qytetarëve. Për qytetarët do të sigurohet më shumë siguri në të gjitha fushat.

PLANI I PUNËS SE KKSb-së PËR VITIN 2022

Në formë tabelore paraqitet si:

Kategorizimi	Nr	Temat për shqyrtim	Bartësit	Periudha e raportimit
Shëndetësia	1	Gjendja aktuale me pandeminë Covid-19 dhe procesi i vaksinimit në Komunën e Junikut;	Përfaqësues nga QKMF–Junik dhe Drejtori Shëndetësisë, Shefi i Qendrës së Vaksinimit;	Maj
	2	Raporti mbi përmasat zhvilluese të pandemisë Covid-19 për periudhën 2020-2021;	Të ftohen në raport udhëheqësit e institucioneve shëndetësore, shtabeve dhe nga QKMF.	Qershor
	3	Kodi i Etikës, personeli mjekësor; Gjendja me barna dhe material esenciale në QKMF Dr. “Ali Hoxha”	Drejtori i QKMF – Junik; Drejtori i Shëndetësisë dhe Mirëqenies Sociale në komunën e Junikut;	Qershor
Kamerat e Qytetit	4	Kamerat e qytetit;	Udhëheqës i Sektorit IT në Komunën e Junikut	Qershor
Arsimi	5	Mësimi në kohë pandemie, situata me pandeminë në shkolla;	Te përgatitet raporti nga DKA, Task Forca.	Korrik
	6	Mirëmbajtja e shkollave siguria në dhe për rreth objekteve shkollore; Delikuenca e nxënësve, mbarëvajtja e procesit arsimor nga ana e mësimeve;	Të raportohet nga DKA, këshilli i prindërve, psikologët e shkollave ose pedagogët;	Korrik
	7	Gjendja e shkollave sipas rezultateve të testit të arritshme risë për klasat e 9-ta dhe Maturës Shtetërore;	Të raportohet nga DKA;	Korrik
Ambient	8	Mbrojtja e lumenjve që rrjedhin në komunën e Junikut, deponitë ilegale, mbeturinat;	Të ftohen në bashkëbisedim nga zyrat përgjegjëse: Drejtoria e Shërbimeve Publike, Inspektion, Mbrojtje dhe Shpëtim, Drejtoria e Urbanizmit, Policia dhe këshillat lokale;	Korrik
Siguria	9	Prerja ilegale e pyjeve; Gjuetia e paligjshme; Peshkimi i paligjshëm; Siguria në trafik, parkingjet, sinjalizimi, sanimi i rrugëve dhe ndriçimi publik,	Të ftohen për bashkëbisedim nga Drejtoria për Shërbime Publike dhe Inspektion; Drejtori për Zhvillim Ekonomik-Bujqësi, Turizëm, dhe Pylltari - Agjencioni pyjor;	Korrik

Mjedisi Urban	11	Fatkeqësitë natyrore, vërshimet, erërat e forta, bllokimi i kanaleve; Gjelbërimi;	Të ftohen në bashkëbisedim nga Kompania Rajonale për mirëmbajtjen e kanaleve, Drejtori për Zhvillim Ekonomik- Bujqësi, Turizëm, dhe Pylltari, Drejtori për Shërbime Publike Inspektion, Mbrojtje dhe Shpëtim - Emergjencave;	Shtator
Siguria	12	Siguria dhe kontrolli i produkteve ushqimore;	Të ftohen në bashkëbisedim nga Drejtoria për Shërbime Publike, Inspektion, Mbrojtje dhe Shpëtim dhe AVUK;	Shtator
	13	Zjarret fushore dhe malore, pengesat për qasje të zjarrfikësve;	Drejtori për Zhvillim Ekonomik- Bujqësi, Turizëm, dhe Pylltari, Drejtoria për Shërbime Publike, Inspektion, Mbrojtje dhe Shpëtim- Sektori i Emergjencave;	Shtator
	14	Dëmtimi i shtëpive, vjedhja e gjësendeve, siguria në komunën e Junikut; Qentë endacak;	Të ftohet në bashkëbisedim përfaqësuesit e institucioneve komunale si dhe autoritetit nacional; Agjencioni i Veterinarisë;	Shtator
Mjedisi Urban	15	Ri integrimi i personave të riatdhesuar;	Të ftohet në bashkëbisedim IOM dhe organizatat tjera që e trajtojnë këtë çështje;	Nëntor
Të Drejtat e Njeriut	16	Ndikimi i pandemisë në shfaqjen e problemeve në familje, parandalimi dhe luftimi i këtij fenomeni; Mbrojtja e personave të cilët privohen nga të drejtat themelore; Lëmosh-kërkuesit;	Të ftohen në bashkëbisedim institucionet, OJQ që merren me çështje të dhunës në familje; Drejtoria Shëndetësi dhe Mirëqenies Sociale;	Nëntor
Raportimi dhe Plani i Punës	17	Raportim në Kuvendin Komunal për aktivitetet e zhvilluara nga KKSB-së për vitin 2022 dhe miratimi i Planit të Punës për vitin 2023;	Raportim i aktivitetit vjetor të KKSB-së për vitin 2022.	Nëntor

Afati kohor

Plani i punës Janar deri më Dhjetor 2022.

Përmbledhje

Në këtë plan të punës janë paraqitur informacione për KKSB-në, aktet që e rregullojnë veprimtarinë e saj. Po ashtu është paraqitur qëllimi i planit të punës, objektivat e planit, aktivitetet që do të ndërmerren nga anëtarët e KKSB-së për t'i arritur objektivat si dhe janë paraqitur rezultatet e pritura dhe afatet kohore.